

GJALDSKRÁ

fyrir heilbrigðis-, mengunarvarna- og matvælaeftirlit á starfssvæði Heilbrigðiseftirlits Norðurlands vestra.

1. gr.

Af starfsemi sem háð er starfsleyfi eða eftirliti Heilbrigðiseftirlits Norðurlands vestra samkvæmt lögum. Lög nr. 7/1998, um hollustuhætti og mengunarvarnir, lögum nr. 55/2003 um meðhöndlun úrgangs, lögum nr. 85/2007 um veitingastaði, gististaði og skemmtanahald, lögum nr. 6/2002 um tóbaksvarnir og lögum nr. 93/1995 um matvæli. Einnig er heimilt að innheimta gjöld samkvæmt gjaldskrá þessari vegna eftirlitsaðgerða sem falla innan lögbundins verkahringis heilbrigðiseftirlits samkvæmt framangreindum lögum.

2. gr.

Tímagjald fyrir eftirlit er 20.000 kr. Gjald fyrir rannsókn á einu sýni skv. eftirlitsáætlun er 30.000 kr. Gjald vegna heildarefnagreiningar neysluvatns er 280.000 kr.

Heilbrigðiseftirlit Norðurlands vestra sér um innheimtu eftirlitsgjalda vegna reglubundins eftirlits skv. viðauka með gjaldskrá þessari. Þar kemur jafnframt fram áætluð tíðni eftirlits. Unnt er að sækja um lækkun gjalda ef starfsemi hefur haft samning við faggilta skoðunarstofu, hefur rekið vottað gæðakerfi eða hefur rekið innra eftirlit með starfsemi sinni sem heilbrigðisnefnd telur ganga lengra en reglur kveða á um. Ef heilbrigðisnefnd fellst á slíka lækkun er henni heimilt að draga úr eftirliti frá sama tíma. Ef einungis hluti margþætts eftirlits með starfsemi fer fram er heimilt að lækka eftirlitsgjald sem því nemur. Þegar sami aðili rekur fleiri en eina tegund starfsemi á einum og sama stað er heimilt að innheimta eitt árlegt gjald.

3. gr.

Heilbrigðiseftirlit Norðurlands vestra, annast innheimtu eftirlitsgjalda, samkvæmt gjaldskrá þessari, m.a. vegna útgáfu leyfa og vottorða, reglubundins eftirlits samkvæmt eftirlitsáætlun og eftirlitsverkefna umfram eftirlitsáætlun, sem falla innan lögbundins verkahringis heilbrigðiseftirlits.

Fyrir nýtt starfsleyfi eða eftir atvikum móttöku á skráningu greiðast kr. 35.000 umsýslugjald auk auglýsingakostnaðar og eftirlitsgjalds ef við á. Heilbrigðisnefnd er jafnframt heimilt að innheimta tímagjald vegna vinnu við gerð sértækra starfsleyfisskilyrða vegna starfsemi sem fellur undir reglugerð nr. 550/2018 um losun frá atvinnurekstri og mengunarvarnaeftirlit.

Fyrir endurnýjun starfsleyfis greiðist kr. 30.000 auk auglýsingakostnaðar og eftirlitsgjalds ef við á. Fyrir auglýsingu starfsleyfis á vef heilbrigðiseftirlits greiðist kr 20.000. Fyrir önnur leyfi s.s. tóbaksleyfisgjöld greiðist kr. 45.000. Fyrir vottorð og umsagnir skv. fyrirliggjandi gögnum greiðist kr. 32.000. Fyrir húsnæðisskoðun greiðist kr. 40.000, Heilbrigðiseftirliti Norðurlands vestra er þó heimilt að lækka eða fella það niður. Fyrir ítarlega húsnæðisskoðunarskýrslu er greitt skv. tímagjaldi. Fyrir markaðs og götusölu greiðist kr. 32.000, Heilbrigðiseftirliti Norðurlands vestra er þó heimilt að lækka eða fella það niður.

Sé raunkostnaður við rannsókn skv. reikningi frá rannsóknarstofu hærri en sem nemur gjaldi heilbrigðiseftirlits fyrir rannsókn skal innheimta raunkostnað að viðbættu 35% umsýslugjaldi og akstursgjaldi skv. útreikningi fjármálaráðuneytis ef ekki er unnt að samnýta ferðina.

Heilbrigðisnefnd er heimilt þegar málefnalegar ástæður liggja fyrir að fjölga tímabundið eftirlitsferðum umfram það sem fram kemur í eftirlitsáætlun ef nauðsyn krefur t.d. vegna kvartana, þegar breyting hefur verið á starfseminni eða þegar nýr búnaður hefur verið tekinn í notkun. Nefndin innheimtir þá gjald samkvæmt tímagjaldi, enda telst slíkt eftirlit eftirlit umfram eftirlitsáætlun.

Starfsemi sem er eftirlitsskyld samkvæmt lögum en er ekki tilgreind í viðauka við gjaldskrá þessa greiðir gjald samkvæmt tímagjaldi, enda telst slíkt eftirlit eftirlit umfram eftirlitsáætlun.

SH

Verk sem unnin eru samkvæmt samþykktum settum á grundvelli laga nr. 7/1998 um hollustuhætti og mengunarvarnir eru gjaldlögð samkvæmt tímagjaldi, enda teljast slík verkefni til eftirlits umfram eftirlitsáætlun.

Vegna beitingar þvingunarúrræða skv. XVII. Kafla laga nr. 7/1998 um hollustuhætti og mengunarvarna og XI. kafla laga nr. 93/1995 um matvæli skal heilbrigðisnefnd innheimta kostnað samkvæmt tímagjaldi, enda telst slík vinna eftirlit umfram eftirlitsáætlun.

4. gr.

Heimilt er að fella starfsleyfi starfsemi úr gildi ef eftirlitsgjöld skv. 2. gr. eru ekki greidd að undangengnum tilhlýðilegum fresti. Séu gjöld skv. 3. gr. ekki greidd fellur starfsleyfið sjálfkrafa úr gildi. Sama á við ef starfsemi hefur ekki hafist einu ári frá útgáfu leyfi og ef starfsemi hefur legið niðri í tvö ár samfelld.

5. gr.

Gjalddagi eftirlitsgjalda er útgáfudagur reiknings og eindagi 14 dögum síðar. Dráttarvextir reiknast frá gjalddaga séu gjöldin ekki greidd á eindaga auk áfallins innheimtukostnaðar. Um innheimtu gjalda fer samkvæmt 46. gr. laga nr. 7/1998 um hollustuhætti og mengunarvarnir, með síðari breytingum.

6. gr.

Gjaldskrá þessi, sem samin er og samþykkt af Heilbrigðisnefnd Norðurlands vestra samræmi við 46 gr. laga um hollustuhætti og mengunarvarnir, nr. 7/1998, með síðari breytingum, 25. gr. laga nr. 93/1995 um matvæli með síðari breytingum og 8. gr. tóbaksvarnarlaga nr. 6/2002 með síðari breytingum. Gjaldskrá þessi öðlast gildi 1. janúar 2026 og frá sama tíma fellur úr gildi gjaldskrá nr. 24/2025 fyrir heilbrigðis- og mengunarvarna og matvælaeftirlit á svæði Heilbrigðiseftirlits Norðurlands vestra.

Sauðárkróki 9. janúar 2026

F.h. heilbrigðisnefndar Norðurlands vestra
Sigríður Hjaltadóttir, framkvæmdastjóri.

